

ТОНГ ҲОДАМЗИ

Ўзбекистон болалари ва ўсмирларининг газетаси

Газета 1929 йил 1 августдан чиқа бошлаган

№ 20 (66249)
2000 йил 18 май.

Сотувда эркин нарҳда


СТИПЕНДИЯ ОЛИШГА КИМ МУНОСИБ?

Қишлоқ фуқаролар йифини раисаси Ҳумор опа Ҳамроева энг иқтидорли ўқувчига 1200 сўм микдорида стипендия берамиз, дедилар. Кўп ўтмай қишлоғимиздаги бешта мактабнинг энг аълочи, жамоатчи ўқувчилари «Мактабингиз тарихини биласизми?», инглиз тилида суҳбат, математик савол-жавобларда билимлар баҳсига киришдилар ва голиблик учун курашда синфдошимиз Нафиса ҳаммадан ҳам билимдон эканини исботлади.

Нафиса жуда камтарин қиз. Бу камтарлик уни камолот сари етаклашига ишонаман.

Маргуба ҲАЙИТОВА,
Бухоро вилояти Фиждувон
туманидаги
49-мактабнинг 8-«В» синф
ўқувчиси.

Сиз таътила тайёрмисиз?




ШЕЪРИЯТ – ДИЛГА ТАРБИЯТ

7-«Б» синфида ўқийдиган Гулнора Раҳматовага мактабдошларимиз ҳавас қилишади. Чунки у ақлли, одобли бўлиш билан бирга барча фанлардан аъло баҳоларга ўқиди.

Яқинда мактабимизда «Ифодали ўқиш» кўрик-танлови бўлиб ўтди. Унда барча шеърият муҳлислари ўзлари ёдланган шеърларини ифодали ўқиб бердилар. Гулнора эса 560 та шеърни ёддан айтиб бериб, ҳаммамизни лол қолдирди. Энг кам шеър ёдлаган ўқувчи 100 та шеър айтиб берди.

Адабиёт ўқитувчимиз, шеърият инсоннинг дидини тарбиялади. Уни гўзаллик, эзгулик сари етаклайди. Шеър ёдлаш эса хотирани мустаҳкамлайди, дейдилар.

Феруза РАВШАНОВА,
Бухоро вилояти, Фиждувон
туманидаги 8-иқтидорли болалар
мактаб-интернатининг 10-синф
ўқувчиси.



ОЛАМ ҚЎШИҚҚА ТЎЛСИН

Мактабимизда айниқса мусиқа фанига алоҳида эътибор берилади. Шунинг учун катта қизиқиш билан мусиқа дарсini кутамиз. Мусиқа ўқитувчимиз Н. Одилов дарс соатлари миздан ташқари мусиқа тўғараклари ҳам ташкил этганлар. Унга мусиқага қобилияти бор болалар жалб қилинган. Аффон рубоби, дутор, доира, танбур, фижжак чалишни ҳам тўғаракда ўрганамиз. Устозимизнинг мақсадлари биз ёшларни мусиқа санъати орқали жаҳонга танитиш. Ҳар гал мусиқадан сабоқ олганим да «Оlam қўшиққа тўлсин» деб қўяман.

Нозима САЙДОВА,
Бухоро вилояти, Фиждувон туманидаги
4- мактабнинг 7-«А» синф ўқувчиси.

Болалигим қолди ортимда...

Болалигим қолди ортимда,
Ўн еттида ёшгинам ҳозир.
Катта ҳаёт йўли олдинда,
Катта ҳаёт пешвоз, мунтазир.

Устозларим оқ йўл тилайди,
Кузатаркан мактабдан бугун.
Ҳаяжонга қалбим белайди,
Узатаркан мактабдан бугун.

Севинчданми, қўзимда шабнам,
Дилда меҳрим— боқаман ҳайрон.
Чин дўстлик ё муҳаббат, билмам.
Юрагимда бир ажиб туғён...



Азиз ўқувчилар!

Мактаб билан хайрлашув кунига оз вақт қолди. Сиз унга қандай тайёргарлик кўрайпиз? Совға— саломлар, кийиниш шаҳар айланиш... деганларидек. Сизнинг баҳс, мунозарали хат ва қўнгироқларингизни кутамиз.

ҚАНИЙДИ...

Газетанинг 15- сонида «Мусиқа- қалб гўзалиги» мақолосини ўқиб чиқдим. Унда «Мактабингизда мусиқа дарси қандай ўтилади? Ундан кўнглингиз тўладими?» деган саволлар берилган эди.

Йўқ, кўнглимиз тўлмайди. Мен куй-қўшиқни жуда севаман. Санъаткор бўлишни орзу қиласдирим. Бироқ, орзулар орзулигича қолди.

Ҳозирги кунда тумандаги 3- мактабда она тили ва адабиётдан дарс бераман. Ҳамон мени мусиқа тарқ этмайди. Қанийди, мен ишлатгандан мактабимда мусиқа дарслари кўпайиб болалар қалбини янада шод этса. Чунки кўп ўқувчилар мусиқани яхши кўришади. Уларга фақат озгина эътибор, шароит керак.

Акс-садо

Ўзингда мутахассис бўлмаганидан кейин, узоқдан, қўшни қишлоқдан бир соат учун мусиқа ўқитувчиси келармиди? Қанийди бизда ҳам мусиқа бўйича гуруҳлар ташкил этилса. Қанийди... Ёки «қанийди»дан нарига ўтолмаймиканман—а ?..

У. РАҲМАТОВА,
Жиззах вилояти, Бахмал туманидаги
3- мактаб ўқитувчиси.





ХАЛҚ ҚАҲРАМОНИ

Салом, севимли газетамиз «Тонг ўлдузи»!

Сенга биринчи маротаба мактуб йўллаяпмиз. Ҳар сафар газетани янги сонини олганимизда талашиб-тортишиб, диққат билан ўқиб чиқамиз. Қизиқарли ва қувноқ саҳифа-ринг барча ўқувчиларни ўзига бир зумда жалб қилиб олади.

Синфдошлар биргаликда сенга Хўжа Насридин ҳақида билган маълумотларимизни йўлладик.

Халқимизнинг ҳажвий қаҳрамони Хўжа Насридин ҳақида кўп латифаларни билсангиз керак.

Хўжа Насридинни барча мамлакатларда турлича аташар экан. Масалан, Озарбайжонда Мулла Насридин, Тожикистонда Мулла Мушфиқ... Ҳа, Хўжа Насридин халқ қаҳрамони! Сиз нега уни бундай номланишини билгандирсиз а?..

Самарқанд вилояти, Ургут туманидаги 84-мактабнинг 7-синф ўқувчилари.

ҲАМ КУЮНИБ, ҲАМ СУЮНИБ

Биз Пилол қишлоғида яшаймиз. Қишлоғимизда 1998-99 ўкув йилида катта аҳамиятга молик бўлган янгилик рўй берди. 8-10 йиллардан бўён битмай ётган янги мактаб биноси 2-3 йilda қуриб битказилиб, фойдаланишга топширилди. Янги мактабнинг ишга тушиши қишлоғимиз аҳлини бир томондан қувонтиrsa, иккинчи томондан... Келинг яхшиси бир бошдан сўзлаб бера қолай. Мактаб биноси проект бўйича 420 ўринга мўлжалланган бўлсада, 320 ўринли бино фойдаланишга топширилди. Ваҳоланки мактабимизда ҳозирги кунда 530 нафар ўқувчи таълим-тарбия олмоқда.

Янги мактаб биноси тантана билан очилди. Аммо хурсандчиларимиз узоққа чўзилмади. Чунки мактабда байрам, тантаналар ўтказиш учун зал ҳам, спорт зали ҳам йўқ экан. Қурилиш мутасаддилари «мендан кетгунча, эгасига етгунча» қабилида иш тутишгани аён бўлиб қолди. Янги бинога сифмаган ўқувчиларимиз ҳали ҳам эски мактабда ўқишаётди. Савобтабал акаларимиз бир яхшили қилиши ю, янги мактабда спорт зали, тадбирлар зали бўлиши лозимлиги ни унунтган кўринишади.

Ушбу йилдан бизнинг ҳам умидларимиз катта эди. Мана йил яримлаб қолди ҳамки ҳамон эътибордан четдамиз...

Сизларга катта умид ва ишонч боғлаб,

**Саодат РАШИДОВА.
Оқдарё туманидаги 7-ўрта мактаб етакчиси**

Bir maktabdan qo'sh maktub YANGI QADAM

Maktab davri qanday qiziq voqealarga boy bo'ladi. Men ham 4-sinfim bilan hayrashmoqdamman. Essiz, meni yana birinchi ustozim o'qitganlarida edi. Ustoz sizni hech qachon unutmayman.

Sinfdos, endi biz bir yosha ulg'aymoqdamiz. 5-sinfsga qadam qo'yamiz. Biz ko'nikib qolgan birinchi ustozimiz o'rnida endi bir nechta murabbiylar dars o'tadilar. Biz mustaqil o'quvchilar qatoriga qo'shilamiz.. Dugonalarim Nargiza, Muxlisa, Dildora, Gulnoza, Zulkumor, Barnolar a'lo baholarga o'qiydilar. Barchamizning olam-olam orzularimiz bor. Inson niyatiga yetishish uchun mehnat qilishi kerak, - deydilar ustozimiz Kamolova Jamila opa.

**Dilobar MUSAJONOVA,
4- «B» sinf o'quvchisi.**

ZUHRO YULDUZ

Ko'chaga chiqdim. Hamma yoq jim-jit. Mayin shamol esyapti, huddi kokillari uzun qizlar sochi silkinayotgani kabi. Uyimiz yaqinidagi tepalik ustiga o'rnatilgan haykal laylaklar men tomonga uchib kelayapti. Quvonib ketdim, laylaklar ustiga o'tirib parvoz qildim. Men osmonda muallaq turib sayrayotgan to'rg'ayni ko'rdim. Borgan sari tepaga uchayapman. Bir vaqt qarasam, zuxro yulduzi yonida turibman.

-Yulduz, men senga havas qilaman. Senga hamma havas qiladi. Sen bilan tonglar otadi: Hammani ko'rasan, hamma narsadan xabardor bo'lasan. Men hovliga chiqib supurmoqchi edim. Tepalikdagi laylaklar meni sening oldinga olib kelishdi.

-Ha, men seni taniyman. Sen Gulnozasan-ku. Har kuni tongda darvozalarni ochasan, ko'chalarni supurib, gullarga suv quyanan. Men esa bu yerda hech narsa qilmayman. Siz odamlarga mazza, bir-biringizga mehribonsizlar. Bir-biringizdan xabar olasizlar. Men esa yonimdagи yulduzlardan xabar ololmayman. Ko'zimning nurlari yoritadi olamni.

Yulduz olamga nurlarini taratdi, sochlarni yoydi. Men va ikki laylak zuhro yulduz sochlarda arg'imchoq uchib yerga tushdik. Laylaklarga rahmat aytib, uyga kirib gullarimga qaradim. G'unchalar chaq-chaq etib ochilyapti. Birdan uyg'onib ketdim, tushim ekan da, deb hovliga chiqsam, gullarim ochilgan, osmonga qarasam zuhro yulduzi menga jilmaygandek bo'ldi.

**Gulnoza MUSAJONOVA,
Toshkent shahar, Abu Rayhon Beruniy nomli
243-maktabning 6-D sinf o'quvchisi.**



ТУШДАГИ ҲАҚИҚАТ

Биркуни айвонимизда китоб ўқиб, мудраб қолибман. Элас-элас ёдимда, қалdirғoch - хосиятли қуш деб ўқиганим. Тушимда айвонимиз қошига бир қалdirғoch учиб келиб, тилга кириб менинг атрофимда айланарди. «Мен қалdirғochлар маликаси бўламан, рухсат берсанг, айвонингта ин курсам»...

Шу тобда мени ҳаяжон билан ўйғотган синглімнинг қувноқ овозидан ўйғониб кетдим. «Опа, туриң, қаранг, бизнинг уйга қалdirғoch ин қуряпти». Не кўз билан боқайки, чиндан ҳам икки қалdirғoch айвонимиз устунига ҳашак тўплаб уя қуради.

Тушимдан роса ажабландим. Тушдаги баъзи воқеалар ўнгда рўй бериши рост экан-да.

**ХАБИБА ЖАЙНОҚОВА,
Ховс туманидаги
21- мактабнинг 5-«А»
синф ўқувчisi.**

«ФАРОЙИБ МАКТАБ»НИ ЎҚИНГ

Ўқитувчимиз ҳамиша «китобни танлаб ўқиши керак» дейдилар. Мен ҳам синфдошларим қатори тарихий китобларниги на танлаб-танлаб севиб ўқийман. «Улуғбек ҳазинаси», «Ўткан кунлар», «Юлдузли тунлар», «Навоий» каби асарлар севимли китобларим сафини Тўхтамурод Рустамовнинг «Фаройиб мактаб» қиссаси ҳам тўлдириди. Ушбу китобнинг сода, равон тили ўқувчими ўзига озон жалб этса, мавзууси ҳам болаларбон экан.

Сиз ҳам бу китобни албатта топиб ўқинг. Китоб жавонингиз яна бир янги асар билан тўлганидан шод бўлинг.

**Феруза МУРОДОВА,
Наманган вилояти,
Чорток туманидаги Мирзо
Улуғбек номидаги 22-
мактабнинг 8-«А» синф
 ўқувчisi.**



ШОГИРД КАМОЛИ- УСТОЗ КАЛОМИДАН

Машхура опа Иброҳимова бизнинг синф раҳбаримиз. Синфдаги барча болалар устозни жуда яхши кўрадилар.

Чунки ширин сўз, меҳрибон ва ўз касбини фидойиси бўлган устозни ҳар куни соғинсак арзиди. Мактабда алгебра ва геометрия дарсини ёмон кўрадиган ўқувчилар ҳам устоз сабаб бу фанга меҳр кўйган.

Заҳматкаш устоз доимо бизни ўз фарзандларидек кўрадилар. Келажакда яхши инсон бўлишимизга, халқимизга фойдали ишлар қилишимизга ишонадилар. Шунинг учун ҳам биз Машхура опамизга соғлиқ омонлик тилаб юрамиз. Мактабимизда кўп йиллар ишлаб, шогирдлар камолини кўришларини тилаймиз.

**НИГОРА НАЗАРОВА,
Наманган вилояти
Наманган тумани,
13- ўрга мактаб 7-«Б»
синф ўқувчisi**

ҚУВНОҚЛИК - ЁР БЎЛСИН!

Пойтахтимиздаги Акмал Икромов тумани 252- бояч- мактаб мажмуасида «Софлом авлод- келажагимиз пойдевори» деб номланган тадбир бўлиб ўтди. Тумандаги барча бояч тарбияланувчилари, услубчилар, халқ таълими ходимларига болажонлар спорт ўйинларида эпчилликларини кўрсатишиди. Синов учун берилган савол- жавобларда билимдонликларини, қўшиқлар айтиб рақсга тушишда маҳоратларини намойиш қилишиди. Тадбир баҳона, болалар ясаган юмшоқ ўйинчоқлар кўргазмаси ҳам меҳмонларда яхши таассурот қолдириди.

Бояч- мактаб мажмуасида 12 та гурух бўлиб, олти нафарида бояч тарбияланувчилари бўлса, олтитасида 1-4-синф ўқувчилари таҳсил олади. Унда 170 дан зиёд болалар тарбияланадилар.

Ушбу масканда спортнинг кўплаб турлари бўйича тўгараклар ташкил қилинган. Айниқса, бокс тўгарагини алоҳида айтиб ўтиш мумкин.

Бояч мудираси - Фарида Фозиева, услубчи- Наргиза Раупова, тарбиячилар - Марҳамат Қаюмова, Зумрад Аҳмаджонова, Жамила Азимова кабилар тарбиячи опаларга бир- бирлари билан тажриба алмашишга имконият яратдилар. Бундай имконият соғломлик, полвонлик, маънавият тимсолида туман боячларидаги оммалашса ажаб эмас.

Искандар ОДИЛОВ.

Бизлар эмас, улар офзуласалар

Насиба опа Иброҳимованинг номи барча ақапаларингизу, азиз ота—оналарингизга яхши таниш, қадрдан. Узоқ йиллар давомида радио, телевидение сухандони бўлиб ишлаб келган Насиба опа ҳозирги кунда Ўзбекистон Давлат Санъат музеи директори лавозимида фаолият кўрсатяптилар. Касб байрамлари муносабати билан қутлаш, шу баҳона дилдан сұхбат қуриш ниятида Насиба опани йўқлаб бордик. Мақсадимизни англагач чеҳраларига илиқ табассум югурди. Барча юмушларини бир четта суриб, болалиқдаги беғубор хотиралари оламига фарқ бўлдилар.

АРКОН САКРАШНИ БИЛМАЙДИГАН КИЗЛОҚ

Болалигим урушдан кейинги йилларга тўғри келган. Жуда кўплаб таниқли санъаткорлар, адиблар, журналистлар, радио ва телевидение сухандонлари етишиб чиқсан ўша машхур 20-мактабда ўқиганман. Ўзбекистон халқ артисти Рихси Ибкестонда журналист м о в а , видеосесидон и жонова , хандон Насингари бимактаби ҳисоблан- ўқиб юрган. Ўша пайтда риладиганг и и » илк бошба опа фимизга яна бир римни ра-ришларини айтдилар. У ерда бизларни эшиттиришнинг бош муҳаррири Тўра ака Исмоилов, режессёри Иффат опа Раҳмонкуловалар қарши олишди. Қўлимизга кичик-кичик матнлар бериб ўқитиб қўришди. Дугоналарим бинойи-дек ўқиб беришди, мен эса иккита сўзни бир-бирига қўшиб ўқиб бера олмадим. Шундай бўлса ҳам қизларга қизиқиб, бориб юравердим. Орадан бироз вақт ўтгач Иффат опа мени ёнларига чақириб яна қайта ўқитиб кўрдилар. Буни қарангки, ҳеч янглишмай, ифодали қилиб ўқиб берибман. Илк бор «Бепоён Ватанимизда» деган сарлавҳани ўқиб берганим худди кечагидек ёдимда. Жуда барвақт бериладиган «Пионер эрталиги»ни эшитолмай қолишдан чўчиб туни билан мижжак қоқмаганман. Шушу мактабдан бўшадим дегунча радиога ошиқадиган бўлдим. Махалламиз болалари қийчув қилишиб арқон сакраш, чақон тош, жами-ўртага тушар каби ўйинлар ўйнашарди. Менинг эса улар билан ўйнашга вақтим ҳам, иштиёқим ҳам бўлмасди. Навбатдаги эшиттиришни тайёрлаётган кунларимизнинг бирида бизга ажойиб бир хушхабарни айтишди. Энди бизнинг матн ўқиётганимизни одамлар нафақат эшитиб, балки қўриб ҳам туришар эмиш. Бу қандай мўъжиза экан, дея роса ажаблангандик. Кейин билсак бу телевидение экан. 1956 йилда Ўзбекистон телевидениеси ўз кўрсатувларини бошлади. Жуда кўплаб радио журналистлар телевидениега ёрдамга келишди. Эшиттиришимиз режессёри бўлмиш Немат ака Дўстхўжаев бизларни ҳам телевидениега бошлаб бордилар. «Истиқбол эгалари», «Телевижон», «Гунчалар» каби кўплаб болаларбоп кўрсатувларда қатнашиб юрдим. Ўсмирлар учун тайёрланадиган кўрсатувларда бошловчилик қила бошладим. 1959 йили ўрта мактабни тамомлаб телевидение сухандони бўлиб расман ишга қабул килиндим. Кейинчалик кўплаб раҳбар лавозимаридан ишлаб келдим.

Мана уч йилдирки ушбу музеига раҳбарлик қилиб келяпман. Болалиқдаги орзуларим ҳақида гапирадиган бўлсан, ҳали бирор касбга меҳр қўйиб, шу касбни эгалласам, дея орзу қилишга

18-МАЙ-ХАЛҚАРО МУЗЕЙЛАР КУКИ

ултурмаган

ҳам эдим. Ҳаётим радио, телевидение билан чамбарчас боғланиб кетди. Ўтаётган ҳаётимдан мингдан-минг розиман. З нафар фарзанднинг онаси, 7 нафар шириндан-шакар набира-нинг бувисиман. Ҳаётимда нимагаки эришган бўлсан, ҳаммаси учун устозим Матлуба опа Исломовадан беҳад миннатдорман.

аксарияти бизнинг авлод-ажодларимиз, ўтмисимиз, маданиятимиз ҳақида «сўзлайди-ку». Навоий бобомиз нигоҳи тушган китоблар, қўллари теккан мусиқа асблори бор. Наҳотки уларни кўришга қизиқишишас?

БМТ томонидан 18 май – Халқаро музейлар



БИР ГИЛАМ - ОЛДИ «НЕКСИЯ»НИНГ ПУЛИ

Ҳа-ҳа ишонаверинг, музеимизга кираверишда осилиб турган гиламнинг нархи шундай. Бундай бебаҳо, ноёб экспонатлар нафақат Ўзбе-



Мўъжизалар касфи

Баҳорги таътил кунларида ойижоним билан бирга Тошкентдаги Ўзбекистон Давлат музеига бордик. Музейда айрим таъмиглаш ишлари бораётган бўлишига қарамай томошабинларнинг кети узилмасди. Тасодифни қарантки, шу куни Франциядан келган талабалар ҳам музейни айланиб юришган экан. Француз тилини билишим кўл келиб улар билан сұхбатлашдим.

— Бу нарсаларнинг ҳаммаси инсон кўли билан яратилганига ақл бовар қўлмайди, — дейишди улар ҳаяжонларини яширмай.

Қизиқишим янада ортиб музеи заллари томон ошиқдим. 82 йилдан бўён фоалият кўрсатиб келаётган музеини ҳақиқий мўъжизалар қасрига қиёслагим келди. Заргарлик, кулолчилик, мисгарлик буюмлари, ойпаплак, сўзана, қаштасилик намуналари, эҳ-ҳе, уларни санаб адогига етиб бўлмайди.

Қисқаси, музеидан бир олам таасусуротлар билан қайтдим. Уларни дугоналаримга ҳам сўзлаб бердим. Ёзи таътил кунлари музеига биргалашиб албатта яна борамиз.

Наргиза РИХСИБОЕВА,
Тошкент вилояти, Зангиота
туманидаги 15- мактаб
ўқувчиси.

қистонда, балки Марказий Осиё миңтақасида ягона бўлган Ўзбекистон Давлат Санъат музеимизда 50 мингдан зиёд. Эрамиздан аввалги археологик қазилма бойликларидан тортиб, ҳаҷон миёсидағи санъат асарларигача сақланади ва намойиш этилади. Уларнинг ҳар бири ўзга бир олам, бир-бирини тақрорламас бебаҳо дурданалар, ота-боболаримиз ҳаётидан, ўтмишимиздан ҳикоя қилувчи осори-атиқаларимиздир. Ҳозирги кунда томошабинларимизнинг сони деярли 50 мартаға кўпайган. Олий ўқув юртларининг талабалари, чет эллик меҳмонлар кўплаб келиб туришади. Ҳаттоқи, жазо муддатини ўтаётган йигит-қизларни ҳам саф тортириб олиб келишади. Томошадан сўнг улардан нималарни қўрганликлари ҳақида сўраганимда бир-бирларига гал бермай таасусуротларини сўзлай кетдилар. Айримлари, ҳатто мусаввирларнинг номларини ҳам эслаб қолишибди. Ваҳоланки, иккى кун аввал музейимизга келган қайсиидир олийгоҳ талабалари билан шу мавзуда сұхбатлашганимда, жўяли бир гап ололмагандим. Юзаки, бир эрмак учун томоша қилганликларини пайқаб ачиниб кетдим. Мени ўйлантираётган яна бир дард бор. Музейимизга ота-оналари, бува ва бувижонларининг қўлларидан тутгича турли миллат фарзандлари томошага келишади. Афсуски, уларнинг орасида ўзбек халқимизнинг фарзандларини жуда кам учратамиз. Ахир музей экспонатларининг

куни деб эълон қилинди. Бу эса музей ходимлари ҳам ўз касб байрамларига эга бўлдилар, дегани. Ўтган йили ушбу сана «Туркистон» саройида илк бор тантана қилинди. «Софлом авлод йили» муносабати билан Миробод туманидаги 506-болалар боғчаси, Хитой халқ республикасининг Ўзбекистондаги элчихонаси билан ҳамкорликда «Соялар» театрини уютиришни режалаштиряпмиз. Шунингдек, республика ижодиёти маркази билан ҳамкорликда меҳрибонлик уйлари тарбияланувчилари асарларининг кўргазмасини ташкил қиляпмиз. Фарзандлари келишсиз, кўришсиз, гўзлаликка ошно тутишишсиз. Зоро, гўзлаликка ошно қалбда жаҳолат, ҳиёнат, қабоҳат, разиллик каби иллатларга ўрин бўлмайди. Кейинги пайтларда фарзандларимиз чет элда таҳсил олаётган ота-оналар бу ҳақида фахрланиб сўзлашадиги. Истардимки, чет элларда ўқишини бизлар эмас, Ибн Сино, Абу Райхон Беруний, Ал Хоразмий, Алишер Навоий, Фаробий сингари аллома—ю даҳолар юрти бўлмиш Ўзбекистонимизда таҳсил олишни улар орзуласалар.

Насиба опанинг куюнчаклик билан айтган гапларини тинглар эканман, яқингинада ўзим гувоҳи бўлган бир воқеа ёдимга тушиб кетди: Бекатда ўтирган она-боланинг сұхбати беихтиёр қулоғимга чалиниб қолди. Нима сабабдан мактабдан барвақт қайтаётганини сўраган онасига ўғил бепарволик билан қўл силтаб, мактабдан уларни мажбуран музейга олиб боришаётгани, чипта пулини тўлаб қўйгану, ўзи эса уйга равона бўлганини, унинг ўрнига биллиархонага бориб ўйнаб келишини айтди. Онаси ҳам бепарвогина «ҳа, майли» деб қўя қолди. Фарзандларининг билимли, маданиятли, ҳар жиҳатдан баркамол инсонлар бўлиб қамол топишларида ота-оналардан да, масъулроқ инсон борми? Фақатгина мактаб ва муаллимларнинг саъи-ҳаракатлари билан ҳеч нарсага эришиб бўлмаслиги ойнадек равшан-ку, ахир! Насиба опа сингари фарзандларимиз тарбияси, демакки, келажагимизга бефарқ бўлмаган жонкуяр инсонларнинг айттар сўзларини, куюнчак фикр-мулоҳазаларини нафақат болалар, балки ота-оналаримиз ҳам ўқиб чиқишиша фойдалан ҳоли бўлмасди.

Феруза ЖАЛИЛОВА.



БИР ШИНГИЛ БОГДАН,

Ҳаммамиз ҳам бўйимизнинг ўсишини жуда-жуда хоҳлаймиз. Аммо айримларнинг бўйи тез ўсар экан. Бўйи ўсмаганларни эса ҳатто дўхтирлар ҳам ўйлар экан. Жанубий африкалик Сетендива Семена ҳали ёш. Лекин номи Шопен, Баҳ, Бетховенлар каби машҳур бўлиб кетди. Куй яратмади у, балки ёшига нисбатан бўйи баланд, вазни ҳам беҳад оғир унинг...

Янги туғилган пайтда ҳамма қатори, ҳатто кичикроқ ҳам бўлган. Шифокорларнинг айтишича бу ҳам бир касаллик экан. Улар доридармон билан Сетендинванинг бўйи ўсишини вақтингча тўхтатиб туришибди.

СТАКАНДАН МИНОРА

Одатда ҳаммамиз стаканни рўзгорга ишлатамиз. Кола ва фанта ичимликларини мазза қилиб унда ичамиз. Лекин стакандан минора ясалганини хаёлингизга келтирганмисиз? Швецариялик Дан Вестердазхл деган одам 3654 та стакандан пирамида шаклида минорача ясади. Дан бу билан аввали рекордни янгилади, ўшанда 2758 та стакандан пирамида ясалган эди.

КОФОЗ ШИМ

Хозирги кунда шим кийиш модага айланган. Чармерилардан тикилади-ю бироқ қофоздан тикилганини кўрмаганман. Сиз-чи? Худди шунаقا Перу дўконларида бир марта кийиладиган қофоз шим савдога чиқди. Етти хил рангда ишлаб чиқарилган, нарҳи ҳам арzon бўлган бу кийим кўпчиликка маъқул келмоқда.



300 МЕТРЛИ ВАРРАК

Варрак учирини яхши кўрасизлар—а. 300 метрлик варрак ҳақида ҳам биласизми? Билмасангиз марҳамат: Япониянинг Симиџу шаҳри атрофидаги Михо соҳилида ҳаваскор варракчиларнинг халқаро мусобақаси бўлиб ўтди. Бу мусобақада япониялик Иосито Эндо томонидан бўйи 300 метр келадиган варрак учирилди. 59 ёшли уста уни бир-бири билан кетма-кет уланган 450 та кичкина варракчалардан ясаган.

ЯНА МАТЕМАТИКА!..

Кўпчилигингиз математика фанини унча ёқтираслигингизни



биламиз. Лекин барибир бу ҳақда сизларга гапиришга мажбурмиз. Математикасиз яшашининг ўзи қийин. Амриқонинг Тузсон шаҳри мактабларидан бирида «Математика сиз учун» номли тадбир ўтказилди. Шу куни ўқувчи ва ўқитувчиларга санаш, соат календаридан фойдаланиш, умуман математикадан фойдаланиш таъкиқланди. Хуллас барча рақамлардан воз кечиши керак эди. Кун охирида математикага тоқати йўқ ўқувчилар ҳам математикасиз яшаб бўлмаслигини тан олишиди.

САРИЁФ ДАРАХТ

Копенгагенда ўтказилган сутли маҳсулотлар кўргазмасида Гунна Ҳамм исмли киши сариёдан тайёрланган Эйфел минораси билан қатнашди. Минг афсуски, олти кун овора бўлиб тайёрлаган маҳсулоти залдаги кучли ёргулар таъсирида эриб кетди. Афсус, азоблар билан тайёрланган минара бир пасда эриб кетса-я. Қаранг-а, одамлар нималарни ўйлаб чиқшади.


ТИЛАНЧИ МАЙМУНЛАР

Айтишларича, қўён яхшилаб калтакланса, гугурт чақишини ҳам ўрганиб олиши мумкин экан. Ҳиндистонда бўлган воқеани ўшишиб ҳайратингиз яна-да ошади.

Мамлакатнинг кўпгина шаҳар фуқаролари тиланчи маймунлардан зериккан. Ваҳоланки, маймунлар одамларга ҳужум қилишгани йўқ. Нон ва бошқа егуликлар сўрамайди ҳам. Фақат пул сўрайди. Агар пул

бермасангиз, уларнинг жаҳли чиқиб, қўлларини муштқилиб, дўк-пўписа қилиб ҳам қўядилар. Майда танга ёйқсан маймунлар яқин орадаги бозорга бориб, мева ёки савзавотлар харид қилишмоқчи бўлишади. Бу устамон харидорлар арзимаган пулга кўп нарса олишга ҳаракат қилишади. Сотувчи бу харидорнинг арзимаган тангасига кўп нарса бермасин, унда маймунлар савзавотларни очиқдан-очиқ олиб қочишади.

БИР ШИНГИЛ ТОҒДАН




ШЕРЛАР БИЛАН ЁНМА-ЁН

Сиз шерлар билан бир қафасда яшаган бирор кимса ҳақида ўшигтанмисиз? Бунақаси ҳам бўлган экан. Жанубий Африкалик Майк деган одам машҳурликда ном таратди-ю аммо асаб касаллигига дучор бўлди бечора. Гап шундаки, у 64 кун шерлар билан бир қафасда яшади. Ҳайвонот боғидаги Горилла тушмагур ўлиб қолди. Унинг ўрнига иккита маймун сотиб олмоқчи бўлган. Хизматчи керакли пулини топиш мақсадида ҳаётини ҳавф остига қўйиб бўлса, қафасга киришга мажбур бўлди. Лекин бундай гаройиб реклама ёрдамида йиғилган пули ҳам маймун сотиб олишга ҳам етмади, ўзи ҳам жинни бўлиб қолди...

ҲИД СЕЗУЎЦИЛИР

Жонзотлар орасида ҳид билиш бўйича энг сезиги қайси ҳайвон эканлигини биласизми? Бўлмаса билиб қўйинг. Жонзотлар орасида ҳид билишга энг сезиги— фил экан?

Акулалар ҳам ундан қолишмайди. Яна бўрон қушлар, дengiz қушлари уч километрдан ортиқ масофаданоқ балиқ ҳидини сезишади. Шунингдек, чукурчукларда ҳам бундай ҳислат жуда кучли. Улар ўзларига ин куришда шу қобилиятдан фойдаланишади. Яъни текинхўр жонзотлар учун заҳарли бўлган ўт ва қўқатлардан ин куришади. Бу эса уяга текинхўрлар яқинлашувини саксон фоизга камайтиради.



ТЕЛЕВИЗОР КЎРАДИГАН ГОРИЛЛА

Телевизор кўришдан ҳеч ким зерикмайди. Қизиги шундаки, Гориллалар ҳам телевизор кўришни ёқтиришар экан. Ҳудди шунаقا Гориллалар Нью Йорк ҳайвонот боғида яшайди. Улар кўп тўполон қиладиган бўлишгани сабаб бошлиқлар қафасга телевизор ўрнатишиди. Аввалига маймунлар кўрсатувларнинг фарқига бормай барчасини кўраверишди. Кейинчалик эса фақат бадиий фильмларни ва ҳайвонлар ҳақидаги кўрсатувларни мириқиб томоша қилмоқдалар.



БАҲАЙБАТ ЯПРОҚ

Ўсимликлар оламида энг улкан япроқли дараҳт хинд океанидаги Маскадиан оролида ўсуви Рафия палмаси экан. Шунингдек жанубий амриқонинг Амазонка дарёси соҳилида ўсуви баҳайбат япроқларга эта. Бу дараҳтлар баргининг узунлиги 13-18 метр-га етади. Агар шундай баҳайбат япроқли ўсимликларни кўргингиз келса, албатта бу соҳилларга сафар қилинг.



BOTINKALI KUCHUKCHA

Farhodga dadasi chiroyli kuchukcha olib kelib berdi. Sardor uni Chapa deb atadi. Farhod akasi Reks bo'la qolsin, dedi. Rustam o'zicha unga Sharik deb ot qo'yib oldi.

Ana shu Chapa-Reks-Sharik uch og'a-inilarni juda-juda yaxshi ko'rib qoldi. Kechgacha ularning yonidan ketmadi. Farhod unga har xil o'yinchoqlarni, oyoq kiyimlarni tishlab tashishni o'rgatdi. Rustam uni Mosh bilan o'rtoq qilib qo'ydi. Mosh bilan Reks ostobda mazza qilib isinib yotishadi, dumalashib o'ynashishadi. Biroq ba'zan negadir Reksning jahli chiqib, irillaganicha Moshni quvib oshadi. Mosh ham ko'z ochib yunguncha tomga chiqib oladi-yu, «qalaysan» deganday shifer ustida o'tirvolib masxaraomuz miyovlab qo'yadi. Baribir bir ozdan keyin yana apoq-chapoq bo'lib olishadi.

Bir safar Farhod oyisi olib bergen yangi krosovkanı kiyib olib, to'p tepish bilan ovora bo'lib kuchukni unutdi. Mosh ham qo'shni tomlarda daydib yuribdimi, ishqilib qorasini ko'rsatmay qo'ydi. Yotib-yotib zerikkan Reks nima qilishni bilmasdi. Keyin sekin darvozadan chiqdi-yu huv naridagi o'tloqda o'rtoqlari bilan baqirib-chaqirib to'p surayotgan Farhodning yoniga bordi. Dumini likillatib uyoqdan-buyoqqa koptok bilan baravar yugurdi. Farhod e'tibor bermadi. Alam qilgan Reks to'pni tishlab olib ketmoqchi bo'lgandi, tishi o'madi shekilli to'p dumalab ketdi.

- Tur yo'qol Reks, o'zi jahlim chiqib turibdi,-Farhod kuchugiga qarab kesak otdi.

YANGI UCH OG'A-INI BOTIRLARNING SARGUZASHILARI

O'ynoqilab turgan Reks birdan to'xtab qoldi, keyin quloqlarini osiltirgancha sekin-sekin yurib darvozadan ichkariga kirib ko'zdan yo'qoldi.

Qo'shni ko'cha bolalarini yirik hisobda yutgan Farhod bilan o'rtoqlari rosa hursand bo'lishdi. Farhod uygashadi Reksning boynini siladi. Qo'lidagi koptokni oldiga tashladi:

-Ana endi Reks sen bilan futbol o'ynaymiz.

Biroq negadir Reks Farhodning erkalashlariga parvo qilmay uychasiga kirib ketdi...

...Ertalab Farhod o'rnidan turib tashqariga chiqdi-yu ostonada dabbalasi chiqib, mung'ayib qolgan krosovkasiga ko'zi tushdi. Kecha rosa charchaganidan krosovkasini ichkariga kiritishni unutgan ekan. Reks boplab krosovordan o'chini olibdi. Astavrasini chiqarib tashlabdi.

-Reks,-baqirdi Farhod panadan egasiga qarab turgan kuchuk hech narsadan bexabarday dumini likillatib etib keldi.

-Uyatsiz, krosovkanı nima qilding. Qani buyoqqa kel-chi.-Farhod yirtiq krasovkanı oldi-yu, Reksning oldindi ikkita oyog'iga kiydirib qo'ydi.-Ol endi, buni o'zing kiy.

Reks oyog'idagilarni yechmoqchi bo'ldimi yokio'ziga ham qiziq ko'rindimi, sakrab-sakrab yura boshladi. Uning bu holati shu qadar kulgili ediki, ichkaridan chiqqan oyisi ham, Rustam bilan Sardor ham,

hattoki Mosh bilan Do'mboq ham qotib-qotib kulishardi.

KONFET BILAN MUSHUKCHA

Sardor juda konfetxo'r. Shokolad deysizmi, turli xil popuklar deysizmi, kis-kis iris deysizmi, hammasi ham joni dili. «Agar oyijonim yo'q demasalar, o'n likopcha konfetni bir o'tirishda eb qo'yardim», degani degan.

Afsuski, bahtga qarshi do'konlarda arzon qand-qurslar kamayib ketdi. Tijorat do'konlaridagi «Mars», «Snikers»ga o'xshagan chet el konfetlarini esa har doim ham olib berishavermaydi.

Shuning uchun Sardor tog'asi Istanbulga ketayotganida, albatta shirinlik olib keling, deb tayinlab yuboradi.

Tsog'ajoni chiroyli qutichalardagi antiqa konfetlardan anchagina olib keldi. Biroq oyisi, buni mehmonlarga qo'yamiz, deb yashirib qo'ydi. Keyin allaqaysi dugonasi sovg'a qilgan obakidondan bir siqim berdi.

Boyib qolgan Sardor, o'zidan orttirib Moshni ham siyladi.

Mosh avvaliga konfetning uyoq-buyog'ini ag'darib ko'rdi, hafsalá bilan hilladi. Hech qanday xavf sezmagach, og'zini katta ochib, mayda sochlari orasiga oldi. Bir pasdan keyin qo'rquvdan ko'zlar ola-bula bo'lib yugura boshladi.

-Oyi, tezroq keling, Mosh konfetga tiqilib qoldi,-oyisini chaqirdi qo'rqiб ketgan Sardor. Biroq Mosh tutqich

bermay divan tagiga kirib ketdi. Keyin xuddi birov quvlaganday u yerdan koptokday otilib chiqib, hovlidagi olma daraxtiga tirmashdi.

-Voy, tavba, bunga bir nima bo'ldimi, nima berding, qanaqa konfet ekan tiqiladigan? Hech zamonda mushukka ham qand beradimi?-rahmi kelib so'radi oyisi.

Bu paytda Mosh daraxt shohida o'tirvolib zo'r berib og'zini ochishga urinar, biroq tishlari orasiga yopishib qolgan konfet bunga imkon bermasdi.

-Qo'yaver, bo'lar ish bo'ldi. Bu konfet o'lgurni shimish kerak. Mosh uni g'archchasiga tishlagan shekilli. Endi to konfet o'zi erib, shimalib ketmaguncha og'zini oholmaydi,-dedi shov-shuvga ichkaridan chiqib kelgan Sardorning buvisi.

Darhaqiqat, oradan ikki-uch soat o'tgach, Mosh yana miyovlagancha uyga kirib keldi.

-Oyi, qarang, olib kelgan konfetingizni mushugimiz ham yeyolmaydi-ya. Endi ovora bo'lib menga bunaqa konfet olib kelmang. Bundan buyon sirayam qand so'rab janjal qilmayman,-dedi Sardor Moshni tizzasiga olib erklatarkan.

(Davomi bor)



ИНГЛИЗ ТИЛИ СИЗ УЧУН ENGLISH FOR YOU

ХАРИД ҚИЛИШ ПАЙТИДА СОТУВЧИ БИЛАН СҮЗЛАШУВ

Менга ...ни кўрсатиб юборинг?

- Can you show me some?

Сизда биронта кўйлак борми?

- Do you have any dress (эркаклар учун - shirt)?

Менгаси керак - I need ore.

- BIG - КАТТА (РАЗМЕР)

- HUGE - ЭНГ КАТТА, УЛКАН (РАЗМЕР)

- SMALL - КИЧИК

- CHEAP - АРЗОН

- EXPENSIVE - ҚИММАТ

- DARK - ТЎҚ (РАНГ)

- LIGHT - ОЧ (РАНГ)

- GOOD - ЯХШИ

- LARGE - ЙИРИК, КАТТА

- ROUND - ДУМАЛОҚ

- SQUARE - ТЎРТБУРЧАК

I do not want anything too expensive - Менга қиммат нарса керак эмас.

Do you give a discount? - Арзонроққа берасизми?

I do not like this costume - Менга бу костюм ёқмади.

I would like a refund - Пулларимни қайтариб

беришингизни ҳоҳлардим.

Please show me - Менгани кўрсатиб юборинг.

- COAT - ПАЛЬТО

- GLOVES - ҚЎЛҚОПЛАР

- TIE - ГАЛСТУК

- SCARF - ШАРФ

- PANTS - ШИМ


- HAT - ШЛЯПА

- JEANS - ДЖИНСИ

- JACKET - КУРТКА

- BELT - КАМАР

- SWEATER - ДЖЕМПЕР, СВИТЕР.



Болалар,
расмларга қараб
инглиз тилида гап
тузинг.



ОШХОНАДА - IN THE CANTEEN

Bring me please - Менга

олиб келинг

- MILK - СУТ

- ROLLS - БУЛОЧКАЛАР

- BREAD - НОН

- BUTTER - САРИЁФ

- SUGAR - ШАКАР

- SALAD - САЛАТ

- SOUP - СУП, ШУРВА

- FISH - БАЛИҚ

- ROAST CHICKEN -

Ковурилган товук

- LAMB - ҚЎЗИЧОҚ ГЎШТИ

- ROAST VEAL - Ковурилган

бузок гўшти

- SAUSAGE - КОЛБАСА

- STEAK - БИФШТЕКС

- GREEN BEANS - ЯШИЛ НЎХОТ

- FRIED POTATOES -

Ковурилган картошка

- MASHED POTATOES -

ПЮРЕ

- TOMATOES -

ПОМИДОРЛАР


- CUCUMBERS -

БОДРИНГЛАР

- GARLIC - САРИМСОК

- MUSHROOMS -

ҚЎЗИҚОРИНЛАР.



(Боши ўтган сонларда)

Мен бўлсан:
-Бобур Мирзонинг руҳини шод этиб юрган шоир ўзингизми?- деб тақорлайман юрагим ҳапқириб.

-Э-э, Рустам ака, ўзингизми?- деди Шавкатбек қучоқлашиб.

-Э-э, Шавкатбек, ўзингизми?- дедим шоирнинг елкасига бошимни қўйиб.

Бир-биримиз билан учрашганимиздан фоятда хурсанд бўлдик. Назаримда лотареясига миллион доллар ютуқ чиқсан оdamлар ҳам бизчалик севинмаса керак.

Хуллас, ўша кундан бошлаб Шавкатбек билан бир ёқадан бош чиқариб, ишга киришдик. Атрофимизда эл-юрт қайғусида елиб-югуриб юрган одамларни тўпладик. Мен Шавкатбекнинг шарофати туфайли бир қатор машҳур зотлар билан танишдим. Хусусан, Тошкентда Н. А. Мухиддинов (Ёдгорликларни муҳофаза қилиш идорасининг раҳбари), ёзувчи Пиримкул Қодиров ва бошқа кишилар билан танишдим. Улардан тарихий ёдгорликларни таъмирлаш тўғрисида керакли йўл йўриклилар олдик. Вақтли матбуотда Бобур қурган ҳужрани тиклаш ҳаракатларини ёқлайдиган туркум мақолалар эълон қилинди. Афсуски, одамнинг оласи ичиди, деган гап тўғри экан. Ишонасизми, савобли иш бошлагандан сўнг, Бобур ҳужрасининг тикланишига қарши бўлган жуда кучли бир гурух пайдо бўлди. Аслида, улар Бобур қурган ҳужранинг бузилишига бош-қош бўлган ёки шўро мафкурасига кўпакдек хизмат қиладиган манқуртлар эди. Баҳс- мунонзаралар кучайиб, тарозининг палласи биз томонга оғирлик қила бошлагач, мафкура ходимлари : «Хеч бўлмаса, Бобурнинг номини эслатмасдан, «Оқ уй» тикланади, деб айтинглар», деб муросасизлик йўлини танладилар. Биз шундай қилишга рози эдик, аммо Шавкатбек қатъий туриб олди: «Йўқ, ҳеч қандай «Оқ уй» дейилмайди. Бобурнинг ҳужраси дейилади, Бобур қурган уй тикланяпти,» дейилади- деди эътирозга ўрин қолдирмайдиган оҳангда. Шундан сўнг тарихий ёдгорликни тиклаш тўғрисидаги ҳужжатларда, матбуот хабарларида фақат «Бобур уйи» деган номни ишлатиш керак, деган қарорга келдик.

Шундай қилиб Бобур ҳужрасининг тикланиши ишлари бошланниб кетди. Имкони бор одамлар маблағ билан, бошқалар билагидаги кучи билан ёрдамга келдилар. Бу ишда Марказий Осиё ҳалқларининг вакиллари қатнашдилар десам, асло муболага бўлмайди. Лекин Шавкатбек, алоҳида жонбозлик кўрсатди. У ҳар томонлама маддкор бўлди.

Шўро ҳукуматининг иккюзламачилигини кўрсатадиган воқеа ҳам «Бобур уйининг тикланиши муносабати билан яна бир марта рўй берди.

Ўш шаҳар ижроқуми 1988 йил 25 июль куни Бобур уйини тиклаш тўғрисида меҳнаткашлардан тушган таклифларни иnobatga олиб, ижроқум ҳузурида Бобур уйини тиклаш бўйича Кенгаш тузишга ва Бобур уйини тиклаш ишлари юзасидан тузилган ўш шаҳар аҳолисининг кўнгилли жамияти Низомини тасдиқлаш ҳақида» маҳсус қарор қабул қилди. Бу қарорга ижроқум раиси А.И.Будников, котиб П.Нишинов имзо чекадилар.

Ўшда Эшматов Ҳожи ака деган бир

Рустамжон МИРАҲМЕДОВ

эътиборли зот бор. У киши ўзларининг барча таниш- билишларини савобли ишга жалб қилдилар, ўзларининг шахсий маблағларини ҳам вақтларини ҳам аямадилар.

Ўш аҳолиси кўтарикин кайфиятда Бобур ҳужрасини тиклашга киришди, бир неча марта ҳашар уюстирилди. Ҳашар кунлари ўн мингтагача одам бўларди. Шу ўн минг киши тоғнинг устига пақирларда шағал, тош, гиштларни қўлма- қўл чиқариб берарди. Таъмирлаш ишлари таъминотини ўш аҳолиси ўз зими масига олган бўлса, Хевадан келган қўли гулусталар бевосита қурилиш билан машғул бўлди-

лар. Хевада тарихий ёдгорликларни таъмирлашга иқтисослашган корхона бор экан: ўша корхона бизга яқиндан ёрдам берди.

Ҳашар кунлари ҳалқимизнинг ажойиб фазилатлари намоён бўлди. Бир куни мен битта кампирни ҳашарчилар орасида учратиб қолдим. Ўша кампир одамларни оралаб, иккита гишт кўтариб тоққа чиқиб кетаётганди, ўзи юксиз ҳам тоққа зўрга чиқади, лекин иккита гишт кўтариб олибди. Кампирнинг аҳволини кўриб, битта ийит ёнига борди-да: «Эна, келинг, гиштларингизни мен тоққа элитиб бераман», деди. Кампир эса қўлидаги гиштларни бермасдан: «Бу гишт менини, ўзим олиб чиқаман. Агар сен савобталаб бўлсанг, ўзинг кўтариб кетаётган гиштларнинг устига яна икки дона қўшиб олавер, аммо менинг гиштларимга тегмайсан», деганини ўзим кўрдим. Мен иш боши эдим, ҳашарчиларга бош-қош бўлиб турардим. Ҳалқимиз ниҳоятда сидқидилдан меҳнат қилганига гувоҳ бўлдим, кўнглим төғдек кўтарилди. Айниқса, Шавкатбекнинг қувончи ичига сифмас эди! У кунларни эсласам, ҳамон кўзларим ёшланиб кетаверади. Ҳашар кунлари айрим кимсаларнинг қиёфаси яққолроқ кўриниб қолди. Бир куни шахар раҳбарларидан Санобар Ваҳбовна мени ҳузурига чорладилар.

- Ўртоқ Мираҳмев, мана, сиз билан баҳс- мунозара қилдик, Бобур ҳужрасини тиклаш ишларини бошлаб бердингиз. Лекин ишни битирди, деб обрў қозонган одамлар бошқалар бўлди-ку. Энди қалайиз?- деди пичинг аралаш.

- Санобар Ваҳбовна, мен эстафета таёқасини қўлимга олиб югурдим. Орқамдан сон мингта одам эргашди. Ҳатто мендан олдинроқ Шавкат Раҳмон деган шоир эстафета таёқасини кўтариб, майдонга тушган экан. Бу ишни битта- иккита одам рўёбга чиқара олмасди, лекин кўпчиликдан күён қочиб кутулолмайди. Агар кимдир маррага яқин қолганда отни қамчилаган бўлса, бундан ҳеч ким зарар кўрмайди. Майли ҳалоли бўлсин, - дедим. Ахир биз Шавкатбек билан обрў қозонамиз деб бу ишга бел боғламаганмиз..

Жавобимни эшитиб - Фалати ҳалқиз, ҳеч тушуниб бўлмайди, - деб елка қисди опа. Бобурнинг ҳужраси тиклангандан кейин ҳам Шавкатбек билан алоқамиз узилиб қолмади, биз тез- тез учрашиб турардик. Шоирнинг янги шеъларини излаб юриб ўқийдиган бўлдим. Бир куни Сулеймонтоғ манзараси тасвирланган расмни кўриб қолдим. Кейин рассомни излаб топдим. Раҳмат айтдим. Сўнгра ўшлиқ рассом Ҳасанбой Сайдовни Шавкатбекка таништирдим: Ҳасанбой кейинчалик Шавкатбекнинг портретини чизди. Ҳозир ўша расм Тошкентдаги Адабиёт музейида сақланади...

Шавкатбек билан ҳар бир учрашивимиз кўнгилларнинг байрамига айланиб кетарди. Афсуски, шундай бир улуғ қалб соҳиби, оташин шоир Шавкат Раҳмон пешонамизга сифмади. Начора, Оллоҳнинг иродаси шундай экан, сабр қилишдан бошқа иложимиз йўқ. Илойим, Шавкатбекни Оллоҳ раҳмат қилсин!

Ўш шаҳри.

(Тамом)

To Iqin.

МОHIR'ОY

Bu yil besh yoshga to'ldi,
Cho'zilib ko'rsatdi bo'y.
Onasin erkatoi
Mohiro'y qiz, Mohiro'y.

U bilan go'yo to'lib,
Turgandek bo'ladi uy.
Adasining ham shirin,
Qizalog'i Mohiro'y.

Xonadon kenjatoi,
Erkatoi, ko'ngil naqshi,
Buvisini ham quchib,
Kulib turishi yaxshi!

Uyga mehmon kelgan kun,
Bo'lib ketar katta to'y,
O'zi choy quyib berar,
Mohiro'y qiz, Mohiro'y.

Akasi dutorda sho'x,
Chalib bergen chog'i kuy.
Chir-chir aylanib o'yin,
Tushib ketar Mohiro'y.

Olam muattar go'zal,
Osmon elaydi hushbo'y,
Oilaga baxt bo'lib,
Ulg'ymoqda Mohiro'y.

Go'zal hayotda shod kul,
G'am-tashvishni chetga qo'y.
Ertaning nurli yo'li,
Seni kutar Mohiro'y.

Baxtiyorlik sengadir,
Yasha omon, Mohiro'y,
Seniki gulgun hayot,
Gulgul zamon, Mohiro'y.

Mohiro'y qiz, chin baxting,
Va iqboling kulajak,
Buguning soz, bugundan,
Yaxshi bo'lar kelajak.



**Бирд бор
эсали...**

Bola edim, sho'x edim,
To'p o'ynadim, ochiqdim.
Topdim olxo'ri-erik,
Opketdi olakiyik.
Kiyik qochdi o'rmonga,
Mindim burgut to'g'onga,
Oq burgut uchdi, shoshdi
Qof tog'idan ham oshdi.
Tashladi meni ko'lga,
Ko'ldan chiqdim bir cho'lga.
Cho'ldan topdim izini
Chopdim, tutdim tizini.
Ko'ribiq meni kiyik
Svindi, ketdi iyib.
Berdi menga bir olma,
Dedi: «Qo'zg'ol, tin olma!
Shu tog'dan yur, qirdan o't,
Oltin Ko'shka borib yet.
Seni kutar azaliy
Unda dunyo go'zali...
Ming yillik chilla to'ldi!...»
Shunday deb g'oyib bo'ldi.
Yedim sirli olmani,

OLAKIYIK

Ko'rdim gizli dunyoni.
Kunduz bo'ldi kechalar,
Oqsoql mittichalar,
Qo'rinch devlar qon ichar...
Jinlar o'q otar, uchar.
Kesiq boshlar kulardi,
Sochlari yulardi...
So'ng ko'rindi malaklar,
Boshlarida chechaklar.
Qo'l bog'liq, yig'lashardi,
Devlar-chi, uvlashardi.
Qilichimni o'qtaldim,
Parilarni qutqardim.
Erkin bo'lgan parilar
Odil-odim narilar.
Bir-bir qanot ochishdi,
Salom berib uchishdi...
Yo'l yurdim, uzoq ketdim,
Oltin Ko'shka ham etdim.
Bir eshigi ochiqdi,
Biri esa yopiqdi.
Yopiqni olib o'tdim,
Ochig'ini berkitdim.
Ot oldida et bordi,
It o't yemay yig'lardi.
O'tni otga yedirdim,

Etni itga yedirdim.
Bir olmos uy bor bunda,
Devboshi uxlardan unda.
Kesdim uning boshini,
So'ng boshdan so'rdim: «Qani,
Qayda dunyo go'zali?»
Dedi: «Qo'lingda qo'li!...»
Burilib boqsam, bir qiz
Kiyingan go'zal qirg'iz!
U turardi yonimda,
Chaqmoq chaqdi jonomda...
U kulib, der: «Ey turk bek,
Esla, men -o'sha kiyik!
Kimsa meni bu devdan
Qutqarmasdi, faqat sen
Qoya teshding, tog' yording,
Kelib meni qutqarding!..»
Oh, u ekan angladim,
Sevinchimdan yig'ladim.
Dedim: «Turon malagi!
Turkning yuksak tilagi!

Yuz million turk bu onda
Seni kutar Turonda.
Yur, u yoqqa boraylik,
Qorong'ini yoraylik!
So'niq o'choq jonlansin,



Yo'qsil o'lka shonlansin!...»
It boshin silab, suydik.
Otni minib bo'sh qo'yidik.
Otdik necha tog', qoya,
Keldik Temir Qopqaga.
Berk edi ul ko'p yildir,
«Ochi!» dedik, ochildi.
Bag'rin ochdi gizli yurt,
Yo'ldosh Ko'kbo'ri-Bo'zqurt.
U Qof tog'dan o'tkardi,
Turkeliga etkardi.

1913

QOYANI TESH, TOG'NI YOR

(336-337 b.) aytishicha, shoir bu asarni o'g'uzlarning Arkanaqo'n manqabasiga suyanib yozgan. Bu manqabani esa Fuod Ko'prilining bir necha asarlarida tilga olingani ham qayd etilgan. Menimcha, har ikki turkiyalik ijodkor foydalangan Arkanaqo'n haqidagi tarixiy afsona bizning xorazmlik Abulg'oziy Bahodirxonning Turkiston turkchasiyagi asaridagi rivoyatning usmonlichaga aynan tarjimasidir. Ziyo Ko'kalp turklarning tamir tog'ni eritib, u yerdan qutulib chiqishlari gaqidagi erakni dostoniga aylantirarkan, unda o'sha yillardagi Bolqon urushi munosabati bilan vaziyati og'irlashgan turklarning yana yaxshi kunlarga erishuvchi-bu davridagi dushmanlar siquyidan qutulib chiqishini orzu qilib, unga undab yozgan, millatini qahramonlikka chaqirgan. Bu mavzuda undan keyin ham mashhur turk adibi Umar Sayfiddin «Ergeneqo'ndan chiqish» she'ri «Turk yurti» majmuasining «Oltin armug'on» nashrida bositgan (1913). Shoir Ozariyzodanining «Yangi doston» asari ham Ziyo Ko'kalpa o'xshatma tarzida uning o'limi munosabati bilan bitilgan (1924) va «Yangi Qofqos» majmuasida bositgan (1925). So'ngira Ko'kalpning Arkanaqo'n mayzusidagi bu asari 1932 yilda olmonchaga tarjima qilinib, Leytsigda nashr etilgan.

«Olakiyik» ertagida «keldik Temir Qopqaga» degan satr bor. «Temir Qapu», «Temir darvoza» degan atamalar Turkistonda juda ko'p. Samarqandga kiraverishda Temirdarvoza degan yer ham shuhardan biridir. Yoki mashhur shaxshunos A. Z. Validiy To'g'on ham «Xotimlar» kitobida Qo'yotosh tog'lar oraliq idagi yerlar qadimgi turk dostonlarida «Ergene Kun» nomi bilan atalardi, deydi.

Demak, shu Arqanaqun yoki Ergene Kun asfonalari, ertaklari bilan bog'liq yerlar bizning bugungi O'zbekistonda, Samarqand va Jizzax yerlarida bo'lishi hayratlanarlidir. Bu, eng eski turklik dostonlari, ertaklarini bevosita bizning ota-bobolarimiz ham saqlab qolgan, umumituk madaniyatiga xizmat qilgan, degan faxr tuyg'usini uyg'otadi. Ziyo Ko'kalpning «Ergeneqo'n» dostonini tarjima qilib, 90-yillar boshida sevimli «Gulxan» jurnalimizda e'lon qilgandik. Butun turk dunyosida keng tarqalgan Arqanaqunga bog'liq ertaklarni bugungi yosh bo'g'lnarning bilishi albatta muhimdir.

Abulg'oziy Bahodirxon ta'kidlashishicha, Arqanaqun so'zidagi arkananing ma'nosi tog'ning kamari demakdir. Qunning anglami esa o'tkirdir. Bu so'zlar bugunda ham Turkistonning ko'p yerlarda qo'llaniladi.

«Ziyo Ko'kalpning Kulliyoti» dagi «Ergeneqo'n» dostoniga berilgan izoha

egalari bo'lgan qirg'izlar va o'zbeklarning yonma-yon yashayotgani, madaniyat va tarixda bir meros egasi ekanini bildiradi.

Ko'kalpning «Olakiyik» dostoni 1914 yilda qayta bositarkan, unga shunday izoh berilgan: «Diqqat! Mujda... Turk bolalarining eng sevimli va eng milliy ertagi bo'lgan «Olakiyik» asari rangli rasmlar bilan chiqarilmogda. Bu ertak har bir turk bolasining uyida, qo'lida bir donadan bo'lishi kerak. Turk otalar! Bolalariningiza «Olakiyik» hadya etib, Qutulish Bayramini qutlangiz!»

Qutulish Bayrami-Arkanaqundan chiqish bayrami, ya'ni biz bugungacha Navro'z deb o'rganib qolganimiz bayram kunidir. Turkiyalik olim Abdulxoliq Chay «Turk Ergeneqo'n Bayrami-Navro'z» kitobida (1985, 1988, 1989, 1991 ko'p marta bositgan) dunyoning barcha qit'alariga keng tarqalgan turktilli qardoshlarimizning har yili ko'klam kelishi bilan ham Ergeneqo'n, ham Navro'z nomi bilan bayramni qutlashlarini butun tarixiy manbalar asosida yoritib bergen. Navro'z bayramiga oid keyingi ming yil ichida yozilgan she'rlardan namunalar keltirgan. Tabiiy, bizning o'quvchimizga ham bunday she'rlar ancha tanish, ammo Navro'z va Arkanaqo'n Bayramiga bog'liq «Olakiyik» kabi bir she'rning o'rni boshqa, albatta. Arqanaqo'n afsonasiga bog'liq bilgilarni o'rganarkanmiz, undagi O'g'uzxon nasllaridan Elxon ismining, (Elbek, Eli kabi), Qayi, ya'ni Qiyot so'zining endilikda shu Qiyot urug'i yashagan qishloqlar holida saqlanib qolganini, Nukuz va undan ko'paygan urug'ning ular yashagan joy nomlarida (Nekuz, Nukus shaklida) yoki shu Qiyotlar Arkanaqundan chiqqanda ularning yurtboshisining oti Bo'ritegin ekani (chin manbalaridan bo'zib o'qilgani uchun ko'pincha uni bartchina, bo'rtachina deyishadi, to'g'risi Bo'ritegindir-T.Q.) va Bo'ri otli kishilar bizda ko'pligi, hatto Bo'ritosh shaklida qizlarga ham ot qo'yilgani, shuningdek, Navro'z o'yinlaridan hisoblangan ko'pkari Ko'kbo'rining buzilgan shakli ekani, Ko'kbo'ri o'yini hamon yurtimizda davom etib kelayotgani bu afsonalarning, bu tarixlarning bizning milliy madaniyatimiz, milliy borlig'imizni quvvatlaydigan tog'day tayanchlarimiz desak, bu bilan g'ururlansak, ruhimizda o'sha temirtog'ni eritib kengliklarga chiqish qahramonligini yarataksak, arziydir, deb o'layman.

Tarjimon va muallif
TOHIR QAHHOR

Tez aytishlar

xxx

Ol bu taqatuqalarni, taqatuqachida taqatuqalat. Taqatuqachi taqatuqalarni taqatuqalatmasa, taqatuqachidan taqatuqalarni taqatuqalatmasdan qaytarib olib kel.

xxx

Oolloh-olloh, darvishlar. Haq yo'liga kettishlar. Uch savat non yemishlar, «yana bormi» demishlar.

ALLA

Bog'da kezmoq soz bo'lar,
Gul ochilar, yoz bo'lar.
Men qizimni gul demam,
Gulning umri oz bo'lar,
Alla qizim-a, alla.



1. Qibris turklarining xalq og'zaki ijodiga mansub bu namunalar Turkiyada, Nevzat Ko'so'g'li boshchiligidagi nasr etilayotgan butun dunyo turkiy xalqlari adabiyoti antlogiyasini ko'pjildligining 9-jildidan «Batu Trakiya va Qibris turk adabiyoti», Anqara-1997, 228-betdan olindi.

Shohzamon tarjimasi



TOPISHMOQLAR

Men ketarman, u ketar,
Ortimda lip-lip etar. (Ko'lka)

Senda ham bor, menda ham bor,
Bir quruq tikanda ham bor. (Ot,
ism)

Osti marmar, ushi marmar,
Ichida bulbul sayrar. (Soat)

Tog'dan tusharo'q kabi,
Oyoqlari yo'q kabi. (Quyon)

Yer ostida kelin kezar. (Suv)

Bozordan olganimda, edi bir dona,
Uyga kelib ko'rsam, bo'ldi ming
dona. (Anor)

СИРЛИ КАЙРАГОЧ

Ҳар йили ипак курти парвариши бошланиши билан қишлоқдаги юмушлар яна ҳам кўтаярди. Дарсдан бўшаган болалар тут барги теришга борардилар. «Катта ер» деб айтладиган жойда сал кам 100 ёшли қайрагоч соясида ўтириб, турили воқеаларни сўзлашардик. Худди шу қайрагочнинг атрофига ҳеч қандай экин экилмасди, экилганда ҳам униб чиқмасди. Айниқса, кимга иш давомида қайрагоч ёнидан қаторлар берилса пахталари ҳам терилмай чала қолар, атрофи жуда соя-салқин бўлишига қарамай ҳосиятсиз эди.

Қайрагоч тарихини қишлоқ одамлари аниқ билмас, билганилари ҳам ўтиб кетгандилар. Шунинг учун ҳам ҳосиятсиз деб билганилар ҳам, ўша қайрагоч фойдали деганлар ҳам шохларини кесиб олишга журуят этолмасди. Ҳамма қайрагоч томонга югуриб қолди. Шулар қаторида мен ҳам болаларга етиб бордим, бордими юглаб юбордим. Чунки қайрагоч шохларини буткул кесиб, каллаклаб қўйған киши менинг дадам эдилар. Қайрагочнинг энг теппа жойидан тушишга ҳозирлангаётган дадам бирдан дала бошида юглаб келаётган бувимни кўрдилар-да сергак тортилар. Бу орада қайрагоч шохлари ўзининг неча йиллик оғир юқидан холос бўлиб дадамга раҳмат айтиётганга ўхшарди. Бувимнинг зориллаб юглаши-ю, бизнинг ялинишларимизга қарамай дадам кесилган шоҳларни тартиб билан терардилар.

Қараб турган болаларга «қани ёрдамга» деганларида қишлоқнинг мард ўғил болалари ҳам орқага тисарилди. Чунки қайрагочнинг ёмон оқибатлари ҳаммага аён эди-да.

Бувимни аёллар юринг, бўлар иш бўлди, деб уйга қайта-риши. Ҳаммасидан ҳам қизиги ипак курти пилла ўрашга тушганида бошланди. Орадан бир ҳафта ўтар- ўтмас биз бувимни танийолмай қолдик. Юзлари шунақангни шишиб кетган, бурунлари худди эртаклар каби сеҳрлаб қўйилгандек қип-қизариб шишиб ялтираб кетганди. Ана энди дадам қилган ишларига озгиниа пушаймон бўлиб акам билан бувимни дўхтирга жўнатдилар. Шифокорлар аниқ бир гапни айтольмай ҳайрон бўлибдилар. Қилинган дори- дармонлар самара бермагач, аёлларнинг гапи билан қайрагоч олдига ирим-сирим қилинди. Буни қарангки, бувимнинг қизарган юзлари, шишиб кетган бурунлари секин-аста қайта бошлади. Эшитишмча, қайрагоч табиатда фойдали дарахт эмиш, хаводаги барча заҳарли нарсаларни ўзига тортар экан. Шунинг учун ҳаводаги ўта заҳарли бўлган моддалар фақат қайрагоч туфайли атрофдагиларга зарар бермас экан. Дадамга таъсир қилмай, бувимга озор берган сирли қайрагоч ҳали- ҳам катта ерининг қоқ ўртасида савлат тўкиб турибди. Аммо менинг кўзимга қайрагоч анча кексайиб қолганга үхшайди.

Маъмура
МАДРАХИМОВА.

Мактаб саҳнаси учун

СУРРИ ПОНГОРУ

Мени танияпсизми? Мен Мусақул ялқовнинг кўйлагидаги бургаман. Мусақул шу қадар ялқовки, ҳатто қашланишга ҳам эринади. Тишига бўлса бир умр мисвок тегмаган. Яқинда ўқитувчи:

- Ҳа, Мусақул, моро бўлсин, тилла тиш кўйдирибсизми?- деса, Мусақул безрайиб тишини кавагини кўрсатиб турибди.

Мен бўлсан кўйлак ўиртиридан мўралаб:

- Тишини ювмаганидан сарғайиб «тилло»га айланган, - деворибман. Бу гапимни эшитган болалар қаҳ-қаҳа уриб кулиб юборишид.

Яқинда Мусақул билан аммасинига бордим. У ерда бир намат бор экан,вой-дод, уни ҳеч ҳам эсдан чиқара олмайман. Ўша ерда битта кетврган қиз бурга билан танишиб қолдим. - Юринг мен билан,- десам, «йўқ, ўзингиз шу ерда қолинг», -дейди. Отам раҳматли: «Агар узоқ яшашни хоҳласанг ялқовни танла»-деб бежиз айтмаган эканлар. Мана Мусақул ялқовни танлаб кам бўлганим йўқ. Ўшанга наматда қолишни хоҳламадим. Нима қоламан ичкуёв бўлиб. Кампир ҳар қаёққа кетиб қолар экан. Бу аҳволда оч қолиш ҳам мумкин. Лекин ўша қизни ҳеч эсдан чиқара олмаяпман. Ялқов бўлса ҳа деганда амманиига бора қолмаяпти. Асли, менинг мақсадим сизларга ялқовни фийбат қилиш эмас. Энди, очигини айтсан, каминай камтаринни боқиб келаётган ушбу ялқовга бир яхшилик қилсан дегандим. Яқинда Мусақул ялқовни туғилган куни. Ўшанга энди дўстона маслаҳат-да. Шугинага каттакон мол қашлағич совға қилсангиз. Туғилган кунга барчани таклиф этаман. Бургалар, каналар, битлар дегандай... Кўйлак ичидан барчамизга жой етарли. Мусақул ялқовнига ошга-а-а...

(Кўшик айтади)

Мен бургаман, бургаман,
Ялқов билан биргаман.
Кир ювишдан гапирманг,
Кўшилмайман кирга ман.

Сакраб-сакраб учаман,
Чақиб олай лича ман.
Қашлансин, қашланмасин,
Ялқов қонин ичаман.

Асли бурга, бургаман,
Ёпишаман сурга ман.
Дангаса болаларни,
Илинтирай тўрга ман.

Мен бургаман, бургаман,
Ялқов билан биргаман.
Кир ювишдан гапирманг,
Кўшилмайман кирга ман.

Санобар ҚОДИРОВА.

БОШ МУҲАРРИР:
Умида
АБДУАЗИМОВА

ТАҲРИР ХАЙЬАТИ:

Шуҳрат АҲМЕДОВ,
Йўлдош САИДЖОНОВ,
Ойниса МУСУРМОНОВА,
Хотам АБДУРАИМОВ,
Мукаррама МУРОДОВА,
Суннатилла ҚЎЗИЕВ,
Эргашвой САРИҚОВ.

Ношир
“Ijod dunyosi”
нашриёт уйи

Ижарадаги Тошкент
Матбаа комбинатида
офсет усулида 39092
нусхада босилди. Ҳажми
2 босма табоқ.
Буюртма - K-7936

Газетани
Абдуҳамид
АБДУҒАФФОРОВ
саҳифалади.
Навбатчи:
Маъмура
МАДРАХИМОВА

Рўйхатдан ўтиш
тартиби № 000137
Манзилимиз
700129,
Тошкент шаҳар,
Навоий кўчаси 30-йи.

Тел: 144-62-34